

**Inatsisissatut siunnersuummut oqaaseqaatit****Oqaaseqaatit nalinginnaasut****1. Aallaqqasiut****a) Tunngavia**

Inatsisikkut siunertarineqartoq pingarneq tassaavoq kingulissat oqaluttuarisaanikkut najoqqutassaqartinneqarnissaat. Allagaateqarfip pisortat oqartussaqarfimi sullissiveqarfiiilu kalaallit piorsarsimassutsikkut kingornussaat ingerlatissavai ingerlateqqittassallugillu. Aamma tamanna atuutissaaq allagaateqarfik toqqortanik, inunnit ataasiakkaanit sullissiveqarfinnillu il.il. siunnersummi § 1, imm. 1-2-mi ilaatinneqanngitsunit tigusaqarpat.

Inatsit atuuttoq 1998-imeersuuvoq, taamanikkut toqqortat amerlanerpaat pappialaagallarmata. Paasissutissiarnermi teknologi sulinermi pissusissamisuuginnartumik atugaalersimavoq, aamma pisortat sullissiveqarfii, allaffinni pappialanik atuiunnaariartuinnarfiusunissaq. Toqqortat pappialasinjaapput elektroniskiusumilluuniit toqqortaasinnaallutik, atortut elektroniskiusut assinik, titartakkanik, nipinik, allakkanik paasissutissanillu imaqarsinjaallutik.

Allagaateqarfeqarneq pillugu Inatsisartut inatsisaat atuuttoq 1998-imeersuuvoq, Inatsisartullu inatsisaata allanngortinneqartariaqarnera paasineqarpoq. Inatsisartut inatsisaannik allannguinissamut ilaagit tunngaviuvoq, aalajangersakkat siunissami teknologikkut ineriartornermut naleqqussarniarlugit nutarterneqarnissaannik kissaateqarneq, ilaagitgullu tunngaviulluni atortussajunnaarsitsisarneq pillugu maleruagassanik erseqqinnerusunik aalajangersaanissap Inatsisartut Ombudsmandianit 2009-mi kaammattutigineqarsimanera.

**b) Siunnersuutip imarisai nalinginnaalluinnartumik**

Inatsisartut inatsisaanni 1998-imeersumi pingaartumik pineqarput toqqortat pappialat imaluunniit bändit, titartakkat il.il.

Siunnersummi erseqqissarneqarpoq, aammattaaq toqqortat elektroniskiusut inatsimmut ilaasut.

Aamma siunnersuutip ilaagit imarai aalajangersakkat, atortussajunnaarsitsisarneq pillugu maleruagassanik erseqqinnerusunik Naalakkersuisut aalajangersaasinnaanerannik piginnaatitsissut.

Aammattaaq pineqaatissiinissamut aalajangersakkat ilaneqarnissaat naleqquttuusorineqarpoq.

**2. Siunnersummi pingaarnerit**

a) Inatsisit atuuttut

Allagaateqarfeqarneq pillugu inatsisit maanna atuuttut tassaapput Allagaateqarfeqarneq pillugu Inatsisartut inatsisaat nr. 22, 30. oktober 1998-imeersoq aamma Katersugaasiveqarnermut Allagaateqarfeqarnermullu ataatsimiititaliap suleriaasissaa pillugu Namminersornerullutik Oqartussat nalunaarutaat nr. 2, 26. januar 1996-imeersoq kiisalu Katersugaasiveqarnermut allagaateqarfeqarnermullu ataatsimiititaliami katersugaasiviit akuerineqarsimasut sinnisaasa qinerneqartarnerat pillugu Namminersornerullutik Oqartussat nalunaarutaat nr. 3, 26. januar 1996.

b) Siunnersuut

Siunnersummi erseqqissarneqarpoq inatsimmi aalajangersakkat aammattaaq toqqortanut elektroniskiusunut atuuttut, tassuunakkullu erseqqissarneqarluni imaanngitsoq pappialat, båndiniittut assigisaanniittullu kisimik pinnatik, aammali toqqortat elektroniskiusumik atortunut toqqortaasut toqqorneqassasut.

Aammattaaq aalajangersakkanik nutaanik, nalunaarsuisseqarnermut toqqorsiveqarnermullu pilersaarutinik suliaqartarneq kiisalu atortussajunnaarsitsisarneq pillugit maleruagassanik erseqqinnerusunik Naalakkersuisut aalajangersaanissaannut piginnaatitsisunik ilanggussisoqarpoq. Nunatta Katersugaasivia Allagaateqarfialu taamaallaat najoqqtassatut missingersuutinik tamakku pillugit malittarisassiornissamut manna tikillugu piginnaatinneqarpoq. Tassuunakkut Inatsisartut Ombudsmandiata atorunnaarsitsisarneq pillugu maleruagassanik erseqqinnerusunik, inatsit tulliani allanngortinneqalerpat aalajangersaasoqarnissaanik kaammattuuteqarnera akuersarneqarpoq. Erseqqissarneqarpoq maleruagassat allaffeqarfitsigoortumik aalajangersarneqartut Nunatta Katersugaasiviata Allagaateqarfialtu tamatuminnga inassuteqareerneratigut aalajangersarneqassasut.

Aamma pineqaatissiinissamut aalajangersakkat imarisaat ilaneqarput, maleruagassat malinnejarnissaat nalinginnaasumik qulakkeerniarlugu. Tassani pineqarput toqqortaatit qanoq pineqarnissaat toqqortarineqarnissaallu, suliaqarfimmik nuussinermi toqqortaatinik nuussisarneq, isumannaatsumik atortussajunnaarsitsisarneq, toqqortat tunniunneqartinnagit torersarneqarnissaat pisariaqanngitsortaasalu piiarneqarnissaat pillugit maleruagassat, aamma toqqortaatit nutaanngitsut atorneqanngitsut tunniunneqartarnerat pillugu maleruagassat. Aammattaaq aalajangersarneqarpoq pineqaatissinneqarluni akiliisitsinissaq pillugu aalajangersakkat, allaffisornermi maleruaqqusat Inatsisartut inatsisaat naapertorlugu atuutilersinneqarsimasut tunngavigalugit aalajangersarneqarsinnaassasut. Kiisalu erseqqissarneqarpoq inatsisit naapertorlugit inatsisitigut pisussaaffilerneqartut aamma pineqaatissinneqarlutik akiliisinneqarsinnaassasut.

Aammattaaq inatsimmi atuuttumi aalajangersakkat ataasiakkaat annikinnerusumik erseqqissarneqarput.

### **3. Pisortanut aningaasatigut allaffissornikkullu sunniutissai**

Siunnersuut pisortanut aningaasatigut allaffissornikkulluunniit sunniuteqassanngilaq.

Siunnersummi erseqqissarneqarpoq toqqortat aamma tassaammata elektroniskimik toqqortat. Toqqortat elektroniskiusut maannamut inatsimmi aamma ilaapput, taamaammallu erseqqissaaneq pisortanut aningaasaqarnikkut kinguneqassanngilaq.

Siunnersummi nutaajuvoq pisortat suliffeqarfutaasa Nunatta Katersugaasivianit Allagaateqarfianillu akuerisaasumik toqqorsinermut periusissiortoqarnissaata tungaanut, toqqortat isumagalugillu paarissagaat. Toqqortanut elektroniskiunngitsunut tunngatillugu tamanna ullumikkut periutsinik inatsisitigut atuutsitsilerneruvoq, tassami tamanna pillugu ilitsersuutaasunik tunaartarisassaqareerpoq. Elektroniskiusumik toqqortanut tunngatillugu suli toqqorsinermi periusissanik aalajangersaasoqanngilaq, naatsorsuutigineqarporli inatsisip atuutilinnginnerani matumunnga tunngasumik nalunaarutilioroqarumaarpoq.

Siunnersuutip ingerlateqqippaa, toqqortat ukiut 15-it sinnerlugit pisoqaassusillit, pisortallu ingerlatsineranni ingerlaavartumik atorneqanngitsut Nunatta Katersugaasivianut Allagaateqarfianullu tunniunneqassasut. Tamannattaaq elektroniskiusumik toqqortanut atuuppoq, kisiannili suli aalajangersarneqanngimmat qanoq periuseqarluni toqqortat taamaattut toqqorneqassasut, siunertamut naapertuuttutut isigineqarpoq tunniussisussaatitaaneq aatsaat atuutilissasoq pineqartoq pillugu aalajangersaasoqareerpat. Taamatut nalunaarusiornissaq siunertalarugu suliaq aallartereerpoq. Kommunit susassaqtullu allat suliamut tamatumunnga ilaatineqassapput.

### **4. Inuuussutissarsiutinik ingerlataqartunut aningaasatigut allaffissornikkullu sunniutissai**

Siunnersuut inuuussutissarsiutinik ingerlataqartunut aningaasatigut allaffissornikkulluunniit sunniuteqassanngilaq.

### **5. Avatangiisinut, pinngortitamut inuillu peqqissusiannut sunniutissai**

Siunnersuut avatangiisinut, pinngortitamut inuillu peqqissusiannut sunniuteqassanngilaq.

### **6. Innuttaasunut sunniutissai**

Siunnersuut innuttaasunut toqqaannartumik sunniuteqassanngilaq. Malittarisassat aammattaaq toqqortanut elektroniskiusunut atuuttuunerisa erseqqissarneqarnerisigut aamma pineqaatissiinissamut aalajangersakkat imarisaasa ilaneqarnerisigut toqqortaatit isumannaannerusumik toqqortarineqarnissaat naatsorsuutigineqarpoq, tamannalu innuttaasut toqqortanik atuinerannut pitsasumik sunniuteqassaaq.

### **7. Sunniutissai pingaarutililit allat**

Siunnersuut allanik pingaarutilinnik sunniuteqassangatinneqanngilaq.

### **8. Oqartussaasunik kattuffinnillu il.il. tusarniaaneq**

Siunnersuut piffissami 3. juni 2014-imiit 8. juli 2014-imut ukununnga tusarniaassutigineqarpoq:

Naalakkersuisut siulittaasuata Naalakkersuisoqarfia, Aningaasaqarnermut Nunamullu Namminermut Naalakkersuisoqarfiusimasoq, Inussutissarsiornermut, Aatsitassaqarnermut Suliffeqarnermullu Naalakkersuisoqarfiusimasoq, Peqqissutsimut Attaveqaateqarnermullu Naalakkersuisoqarfiusimasoq, Aalisarnermut, Piniarnermut Nunalerinermullu Naalakkersuisoqarfik, Ilaqutaqarnermut Inatsisinillu Atuutsitsinermut Naalakkersuisoqarfiusimasoq, Avatangiisirut Pinngortitamullu Naalakkersuisoqarfiusimasoq, Ineqarnermut Naalakkersuisoqarfiusimasoq, KANUKOKA, KANUNUPE, NUSUKA, KNAPK, Kalaallit Nunaanni Sulisitsisut Peqatigiiffat, SIK, Nunatta Katersugaasivia Allagaateqarfialu, Katersugaasiveqarnermut Ataatsimiititaliaq, Najukkami katersugaasiviit kattuffiat, NUKAKA, Ilisimatusarfik, Nunatta Atuagaateqarfia, NAPA, Katuaq aamma Taseralik.

Qinnuteqartoqarneratigut KANUKOKA-mut, kommuninut, NUKAKA-mullu tusarniaanermut killiliussaq 8. august 2014-imut sivitsorneqarpoq.

Tusarniaafffigineqartut uku tusarniaanermi akissutisiffigineqarput:

Avatangiisirut Pinngortitamullu Naalakkersuisoqarfik, Ilaqutariinnermut Inatsisinillu Atuutsitsinermut Naalakkersuisoqarfik, Kalaallit Nunaanni Sulisitsisut Peqatigiiffat, SIK, Ilisimatusarfik, NUKAKA, Nunatta Katersugaasivia Allagaateqarfialu aamma KANUKOKA.

Tusarniaanermut akissutit tiguneqartut aamma siunnersuutip inatsisilornermi periutsitigut misissorneqarnerata siunnersuummi allannguutit ataasiakkaat taamaallaat nassataraat. Taamaalilluni § 1-imut imm. 5-itut nutaatut ilanngunneqarpoq inatsisip kapitali 6-ia toqqortanut nammineq pigisanut atuuttoq. Aammattaaq § 6, imm. 1 aamma 3 katigunneqarput, taamaalillunilu inatsimmi aalajangersakkat teknologii apeqqutaatinnagu atuutissallutik, imaappoq toqqortat qanorluunniit isikkoqaraluarpata atuutissallutik.

Tamakku saniatigut siunnersuummi siunnersummullu oqaaseqaatini ataasiakkaanik erseqqissaasoqarpoq.

Tusarniaasoqarneranit akissutaasut ilanngussaq 1-imi oqaaseqaateqarfigineqarput.

# **Inatsisissatut siunnersuummi aalajangersakkanut ataasiakkaanut oqaaseqaatit**

## **Kapitali 1**

### **§ 1-imut**

#### **Imm. 1-imut**

Inatsit pisortat ingerlatsiviinut tamanut atuuppoq, apeqquataatinnagu Namminersorlutik Oqartussaniinersut kommunilluuniit ingerlatsiviiniingersut, aamma apeqquataatinnagu tassaanersut ingerlatsinikkut oqartussaasut nalinginnaasut, immikkut ataatsimiititaliat siunnersuisoqatigiil-luuniit, soorlu ilagiit sinnersaannit aallartitat naammagittaalliortarfiillu, imaluunniit ingerlatsi-viit immikkut ittut. Inatsit oqartussaqarfinnut siunnersuinerinnarmik suliaqartunut kiisalu a-taatsimiititaliaagallartunut isumalioqatigiissitaagallartunullu aamma atuuppoq. Allagaateqar-feqarnermut tunngasutigut § 8 naapertorlugu immikkut maleruagassiornermi ingerlatsiveqar-finni immikkut ittuni pissutsit isiginiarneqarsinnaapput.

Oqartussaqarfiit sullissiveqarfiillu sorliit pisortat ingerlatsiviisut naatsorsuunneqassanersut pillugit aalajangiinermi aaqqissuussaanikkut inissisimanerat pingartinneqassaaq, aatsaallu nalornisoqartillugu oqartussaqarfiup sullissiveqarfiulluunniit sunik suliaqarnera najoqqutarineqartassaaq. Ingerlatsinermi oqartussaasut paasineqarnissaannik killiliiniarnermi, aammattaaq ingerlatsinermi inatsisitigut nalinginnaasumik naliliisoqartariaqartassaaq, suliat suliarineqartarnerat pillugu inatsimmi aamma pisortat ingerlatsinerannik paasitinneqarsinnaatitaaneq pillugu inatsimmi pisortat ingerlatsinerannik killilersuineq assigalugu.

Kommunit suleqatigiiffii soqutigisaqaqatigiittut, piginneqatigiiffittut ingerlatseqatigiiffittulluunniit assingusutut aaqqissugaasut aammalu kommunini aqutsineq pillugu inatsit naapertorlugu akuerineqartussat inatsimmi aamma pineqarput.

Akerlianik aalajangersakkap kingunerisaanik inatsit naalagaaffiup Kalaallit Nunaanni inger-latsiviinut atuutinngilaq, tassa Naalagaaffiup Sinniisoqarfianut, eqqartuussivinnut politiinullu, aamma naalagaaffiup oqartussaasuisut taaneqartartunut. Aamma takukkit siunnersuummi § 2-mut oqaaseqaatit.

#### **Imm. 2-mut**

Aalajangersagaq suliffeqarfinnut, ingerlatseqatigiiffinnut, peqatigiiffinnut il.il. namminersortunut, qanoq aaqqissuusaanerat apeqquataatinnagu tunngavoq.

Sullissiveqarfiit sulinerat annerusumik Namminersorlutik Oqartussanit kommunilluuniit aningaasalersorneqarpat, sullissiveqarfiit il.il. taamaattut inatsimmi ilaatinneqarnissaat Naalakkersuisut aalajangersinnaavaat. Aningaasanik nuussisarneq amerlanertigut

toqqaanartumik tapiissutitigut pisassaaq, aalajangersagarli aamma atuuppoq sullissiveqarfiiup aningaasartuutai ilaasortat akiliutaannit assigisaannilluunniit matussuserneqartarpata imaluunniit pisortat oqartussaqarfii sullissinermut akiliisartillugit. Taamaattoq pisortat aningaasartuutit "amerlanersaannik" akiliisarnissaannik piumasaqaatip kinguneraa, pisortat akiliutaasa aningaasartuutinut tamarmiusunut sanilliullugit amerlangaatsiarnissaat, tassa taakku 60-70 pct.-ii ataassimassanagit. Aalajangersagaq taamaallaat ingerlatsinerup akilerneqarneranut tunngavoq, taamaattumillu soorlu ingerlatseqatigiiffimmi pisortat aktiatigut piginneqataassusiisa annertussusianut atorniarneqarsinnaanani.

Inatsit aamma sullissiveqarfinnut Namminersorlutik Oqartussat kommunilluuniit sinnerlugit ingerlatsinikkut aalajangiisinnaatitaasunut atuutissaaq, Naalakkersuisut aalajangerpata Inatsisartut inatsisaat tamakkiisumik ilaannakortumilluunniit taakkununnga atuutissasoq. Ingerlatsinnikkut aalajangiisinnaatitaaneq sullissiveqarfiiup inunnut suliffeqarfinnulluuniit (sullissiveqarfinnut) ataasiakkaanut tunngasunik inarutaasumik aalajangiisarneranut tunngavoq. Taama pisinnaatitaaffeqarneq toqqaannartumik inatsisiornikkut tunniunneqarsinnaavoq imaluunniit inatsimmik tunngaveqarluni pisortanit oqartussaasunit sullissiveqarfimmut tunniunneqarsinnaalluni.

Inatsisip pisortat sullissiveqarfiutaannut tamakkununnga atuutsinneqarnissaa naleqquttuussaaq, tassa suliffeqarfiiit pineqartut inuiaqatigiinnut ima pingaaruteqartigippata allaat toqqortaataat oqaluttuarisaanermut pingaaruteqarlutik.

Sullissiveqarfiiit il.il. taamaattut inatsimmi ilaatinneqarnissaat Naalakkersuisut aalajangerpassuk inatsisip atuutsinneqarnissaani piumasaqaataassaaq, sullissiveqarfiiit il.il. pineqartut tamatuminnga ilisimatinneqarsimanissaat.

Imm. 3-mut

Tulliuttuni uteqattaarisoqarnissaa pinngitsoorniarlugu aalajangersagaq ilanngunneqarpoq.

Imm. 4-mut

Oqartussaaffiit killilerneqarneri il.il. eqqarsaatigalugit tunngaviusumik inatsisitigut ajornartorsiortoqalernissaa pinngitsoorniarlugu siunnersuummi matumani siunnersutigineqarpoq, maleruagassat Inatsisartut taakkulu oqartussaasoqarfiiisa sullissiveqarfiiisalu allagaateqarfiiinut atuuttussat Inatsisartut siulittaasoqarfiannit aalajangersarneqartassasut.

Inatsisartut siulittaasoqarfiaata maleruagassat Naalakkersuisut isumaqatiginiareerlugit aalajangersassavai. Taamaaliornikkut qularnaarniarneqassaaq Namminersorlutik Oqartussani kommuninilu allagaateqarfefqarnermut tunngasut pillugit assigiikkannersunik maleruagassaqarnissaaq. Naatsorsuutigineqarpoq Nunatta Katersugaasivia Allagaateqarfialu isumaqatigiinniarneri taakkunani peqataatinneqarsinnaassasoq, tassaniimmatami allagaateqarfefqarneq pillugu immikkut ilisimasallit.

Imm. 5-imut

Aalajangersakkami erseqqissarneqarpoq, inatsimmi kapitali 6, inuit ataasiakkaat sullissiveqarfiallu, ingerlatseqatigiiffiit, peqatigiiffiit il.il., imm. 1-imi imaluunniit 2-mi ilaannngitsut, toqqortaataannut atuuttoq.

Toqqortat imm. 1-imi imaluunniit 2-mi pineqartunut ilaappata, malittarisassat pisortat toqqortaannut atuuttut taakkununngattaaq atuutissapput. Toqqortat imm. 5-imu pineqartut taakku akerliannik taaneqarput "namminerisamik toqqortat".

#### § 2-mut

Siunnersummi § 2 tunngavigalugu naalagaaffiup allagaateqarfissua, Rigsarkivet, sinnerlugu suliassat isumagineqarnissaannik naalagaaffimmi oqartussaasoqarfiiit isumaqatigiissuteqarfingineqarsinnaapput. Naalagaaffiup oqartussaasoqarfiiinit toqqortat tunniunneqarnissaat atorneqarnissaallu pillugit piumasaqaatinik isumaqatigiissusorsinnaanermik aalajangersagaq ilaatigut imaqarpoq. Ullumikkut naalagaaffimmi oqartussaasut isumaqatigiissuteqarfingineqarput toqqortat Nunatta Katersugaasiviani Allagaateqarfianilu toqqorsimaneqarnissaannik. Allagaatit isumaqatigiissut taanna malillugu toqqorsimaneqartut kikkunnilluunniit pissarsiarineqarsinnaanngillat, taakkumi inunnut ataasiakkaanut tunngassuteqarluinnarput.

### Kapitali 2

#### § 3-mut

Imm. 1-imut

Aalajangersakkami Nunatta Katersugaasivia Allagaateqarfialu pisussaaffilerneqarpoq toqqortanik oqaluttuarisaanikkut pingaarutilinnik imaluunniit innuttaasunut oqartussaasunullu allaffissornikkut inatsisitigulluunniit pissutsinut uppermarsaatissatut atuuttunik katersinissamut, aaqqissuussinissamut, ataavartitsinissamut nalunaarsuinissamullu.

Taamaalilluni siunertarineqarpoq oqaluttuarisaanermi aallaavittut tunngavissat toqqorsivinniittut kinguaassatsinnut piujuartinnissaat.

Aalajangersakkami erseqqissarneqarpoq, aalajangersagaq atuuttoq pisortat sullissiveqarfiiini toqqorsivinnut aamma toqqortat kapitali 6-imi aalajangersakkat naapertorlugit inuinnarnit tiguneqarsimatillugit.

Nunatta Katersugaasivia Allagaateqarfialu inuit namminerisamik toqqortaataanik isumaginnittussaatitaavoq taamaallaat taakku tassunga tunniunneqarsimappata tassanngalu

tiguneqarsimappata. Nunatta Katersugaasivia Allagaateqarfialu toqqortanik oqaluttuarisaanermi nalillit imaluunniit innuttaasunut oqartussaasunullu allaffissornikkut inatsisitigulluunniit pissutsinut uppernarsaatissat atuuttut pillugit inuit namminerisamik toqqortaataannik tigusinissaminik itigartitsisinnaanngilaq.

Inulli tunniussisoq allanik piumasaqaateqarsimannngippat taakku katersugaasivimmi, katersugaasiveqarneq pillugu inatsisit naapertorlugit akuerisaasumi toqqortarineqarnissaat pillugu isumaqatigiissuteqarnissaq akornutissaqanngilaq.

#### Imm. 2-mut

Ilisimatusarneq oqaluttuarisaanermik ilisimatusarnermut taamaallaat tunngatinneqanngilaq aammali ilisimatusarnernut allanut oqaluttuarisaanermi paassisutissanik tunngaveqartunut tunngatitaalluni. Nunatta Katersugaasiviata Allagaateqarfialtu nammineq ilisimatusarnerminit paasisaminik ingerlatitseqqittussaataanermi saniatigut ilisimatusartut avataaneersut paasi-saasa ingerlateqqinnejarnissaannut killilimmik pisussaaffeqarpoq, takuuk aalajangersakkap naggataa: "Kalaallit Nunaanni piorsarsimassutsikkut inuiaqatigiillu oqaluttuarisaanikkut ineriartornerannik ilisimanninneq siaruartissallugu".

#### Imm. 3-mut

Aalajangersagaq inatsimmik atuuttumik ilaatigut nangitsineruvoq, taamaattorli ilanngunneqarluni Nunatta Katersugaasiviata Allagaateqarfialtu suleqateqartussaanera annertusillugu Kalaallit Nunaata iluani avataanilu suleqateqarnissamut atuuttussanngorlugu. Suleqatigiinneq taamaattoq amerlasoorpassuartigut toqqorsiveqarnerup pitsaassusaanut iluaqutaasussaavoq, soorlu paassisutissanik pissarsisarnermi, sulisut ilinniartitaanerisigut, suliassanik immikkut ittunik suliaqarnermi aammalu toqqorsiveqarnermik sulianut tunngasutigut oqallittarnikkut.

Aalajangersakkut ilaatigut Nunatta Katersugaasivia Allagaateqarfialu katersugaasivinnik akuerisaasunik aamma toqqorsivinnik nammineq piumassutsimik pilersinneqarsimasunik, taa-mattoqarpat, toqqorsiveqarnerup tungaatigut suleqateqarnissaminik pisussaaffilerneqarpoq. Suleqateqartussaatitaanermut aamma ilaavoq Nunatta Katersugaasiviata Allagaateqarfialtu nunatsinni ilisimatusarnermut tamarmiusumut peqataanissaminik pisussaaffeqarnera.

#### § 4-mut

#### Imm. 1-imut

Nunatta Katersugaasiviata Allagaateqarfialtu suliassaa tassaavoq sullissiveqarfiit suliassanik pitsaasumik aaqqissuineranni ikiussallugit aammalu suliat toqqortat nassaareqqipallanneqarnissaannut, nammineq atugassatut innuttaasulluuniit suliamut tunngasunik paasisaqartussaataanerannut atatillugu periarfissaqalernissaannut ikiuissalluni. Aalajangersakkami taamaalilluni erseqqissarneqarpoq sullissiveqarfiit tassaasut

toqqorsinissamut akisussaasut, Nunatta Katersugaasiviata Allagaateqarfialalu pisussaaffia tassaalluni sullissiveqarfinnut siunnersuisartuunissaq.

Nunatta Katersugaasiviata Allagaateqarfialalu suliassaasa pingaernerit ilagaat oqartussaqarfitt sullissiveqarfiallu toqqorsiveqartut nalunaarsuiffiliornerini il.il. ilitsersuinissaq ikiuinissarlu. Qarasaasianut, sulianik pilersitsinermut il.il. tunngasutigut siunnersuineq aamma ilaavoq. Nunatta Katersugaasiviata Allagaateqarfialalu siunnersuinikkut aamma qularnaassavaa toqqortat pigiinnarneqartariaqartut atortuni allanngujaatsuni suliaanissaat, soorlu pappialani, allattuiffinni, elektroniskiusumik toqqorsivinni il.il., siunissami qaninnerusumi aanaveersaanissaq pisariaarullugu. Siunnersuinermut aamma ilaavoq init toqqorsiviit nutaat pilersaarusiorneqarnerat. Taamaammat inassutikkuminarpoq, pilersaarutit taakku init atorneqalersinnagit Nunatta Katersugaasivianut Allagaateqarfianullu saqqummiunneqaqqaartarnissaat.

#### Imm. 2-mut

Nakkutilliisussaatitaanerup nassataanik Nunatta Katersugaasiviani Allagaateqarfianilu toqqorsisartuusut pisortat sullissiveqarfutaannut akuttunngitsumik misissuartortassapput. Kommunit toqqortaminnik passussinerminni inatsisinik, taakkuluunniit tunngavigalugit maleruagassiarineqarsimasunik unioqqutsitsinerat pillugu apeqqutit kommuninik nakkutilliinermut nalinginnaasumut atapput, tassa Kommuninik Nakkutilliisoqarfimmut. Toqqorsiveqarnermut tunngasutigut annertuumik sumiginnaanerit Nunatta Katersugaasiviata Allagaateqarfialalu Kommuninik Nakkutilliisoqarfimmut nalunaarutigisassavai. Aamma unioqqutitsinerit akiliisitsinermik pineqaatissiissutigineqarsinnaapput.

## Kapitali 3

Pisortat sullissiveqarfutaat ataasiakkaat toqqorterininssamut akisussaasuupput. Nunatta Katersugaasiviata Allagaateqarfialalu suliassaa tassaavoq pisortat sullissiveqarfii suliassanik pitsaasumik aaqqissuineranni ikiussallugit aammalu suliat toqqortat nassaareqqipallanneqarnissaannut, nammineq atugassatut innuttaasulluunniit suliamut tunngasunik paasisaqartussaaitaanerannut atatillugu periarfissaqalernissaanni ikiussallugit. Taamaattoqassappat toqqorsiviit naleqquttut peqqissaarnerlu atorneqartariaqarput, kiisalu atortut paasissutissartallit pitsaasut atorneqarnissaat pisariaqarluni.

#### § 5-imut

Aalajangersakkap oqaasertai malillugit suulluunniit paasissutissartallit ilaapput, taakku pisortat sullissiveqarfii sulinikkut pilersinneqarsimappata taakkuluunniit aqqutigalugit pilersinneqarsimappata. Maannatut inatsisip pingarnertut siunertaa aallaaviusassaaq, tassalu toqqortat ojaluttuarisaanermut pingaruteqartut imaluunniit pissutsit inatsiseqarnermut atasut ingerlatsinikkulluunniit innuttaasunut pisortanullu pingarutillit uppermarsarnissaannut

pingaarutillit ataavartinnissaasa qularnaarnissaat. Siunnersuummi § 3-mi Nunatta Katersugaasivia Allagaateqarfialu pisussaaffilerneqarpoq toqqortanik tamakkununnga katersinissamut, aaqqissuussinissamut, ataavartitsinissamut nalunaarsuinissamullu. Toqqortat taakku annermik pisortat sullissiveqarfiiisa toqqorsiviineersuupput.

Sullissiveqarfinnut ajornakusoorsinnaammatt nalilissallugu toqqortat suut tassaanersut toqqortat oqaluttuarisaanermut pingaaruteqartut imaluunniit pissutsit inatsiseqarnermut atasut ingerlatsinikkulluunniit innuttaasunut pisortanullu pingaarutillit uppernarsarnissaannut pingaarutillit, siunertamut naapertuuttusorineqarpoq inatsisip atuuttup oqaasertaasa attatiinnarnissaat, taamaalillunilu toqqorsisussaatitaaneq atuuppoq atortunut paasissutissartalinnut tamanut. Tassuunakkut naatsorsuutigineqarpoq sullissiveqarfiiit ataasiakkaat – maannatulli – nalilersortassagaat aalajangersagaq malillugu suut toqqorneqassanersut, taamaalillunilu atortut paasissutissartallit inatsisip siunertaanut naleqqiullugu erseqqissumik pingaaruteqanngitsut toqqortariaqanngitsut igiinnarneqarsinnaallutik. Sullissiveqarfiiit taamatut naliliiniarnerminni Nunatta Katersugaasivianit Allagaateqarfianillu siunnersorneqarsinnaapput.

Atortut paasissutissartallit pisortat sullissiveqarfiiisa sulinerisigut tamatumunngalu atatillugu piissarsiarineqarsimasut tassaaginnangillat pappialat qangaaniilli atorneqartut aammali nunat immallu assingi, titartakkat, pilersaarutit, assit, nuutsitat, filmit mikrofilmillu, oqaluttartut nuutaat, båndit nipitallit assiliartallillu. Atortut elektroniskiusut toqqorneqassapput. Taakkununnga ilaassapput paasissutissat maskinamit atuarneqarsinnaasut tamarmik, atortut elektroniskiusut, taakkununnga ilaatillugit allagartat putoortullit hulkortit, putoortullit takisuut hulstrimler, magnetbåndit, pladelagret, diskettit usb-t il.il. kiisalu atortut paasissutissallu taakkununnga toqqaannartumik tunngassuteqartut, tassa soorlu aaqqissuussinerit nassuiarneqarnerat, atuinermut ilitsersuutit aammalu uppernarsaatit nalunaarsuiffiillu allat. Paasissutissat qarasaasianut immiussinermi atorneqartut taakkunangalu pappialanngortitat, soorlu nalunaarutinut skemat, printlistit, immersugassat, COM-filmit atornissaat maskiinanik atortoqarfiusariaqanngitsut elektroniskimik paasissutissatut toqqortassatut naatsorsunneqanngillat.

Toqqoterisussaatitaanermut aamma ilaapput allaffissornikkut atortut, soorlu kartotekit, aternik nalunaarsuiffiit, allakanut nalunaarsuiffiit, allakkat ilinniutit assigisaallu.

Toqqoterisussaatitaaneq taamaalilluni suliat suliarineqartarnerat pillugu inatsit naapertorlugu atortut paasissutissartallit ingerlatsiviit ataasiakkaat nalunaarsornissaannut toqqornissaannullu taamaallaat atuutinngilaq.

Nalunaarsuiffiit inuit pillugit paasissutissartallit toqqorneqarneranni nalunaarsuisarneq pillugu inatsisini aalajangersakkat qaqugukkulluunniit atuuttut isiginiarneqartassapput.

Maannamut ilitsersuutaasumik tunaartarisassat uaniipput: "Pisortat sullissiveqarfiisa toqqorsivii – Toqqortat ataavartinnissaannut, tunniunneqarnissaannut kasiilerneqarnissaannullu aalajangersakkat ilitsersuutillu Kalaallit Nunaata Toqqorsivianit 1987-imi suliarineqartut aamma "Kalaallit Nunaanni kommunini toqqortanik ataavartitsineq kassiilerinerlu" Nunatta Katersugaasivianit Allagaateqarfianillu 1991-imi saqqummersinneqartoq. Ilitsersuutaasumik tunaartarisassat pineqartut malittarisassanik ersarinnerusunik taarserneqassapput, Naalakkersuisut § 8 naapertorlugu pisinnaatitaanertik atorpassuk.

#### § 6-imut

##### Imm. 1-imut

Aalajangersagaq inatsimmik atuuttumik ilaatigut nangitsineruvoq, taamaattorli erseqqissarneqarluni toqqortat toqqortaasivinni Nunatta Katersugaasivianit Allagaateqarfianillu akuerisaasuniinnissaat aamma aalajangersagaq toqqortanut elektroniskiusumik toqqorneqarsimasunut atuummat.

Pisortat sullissiveqarfiutaasa toqqortamik isumannaatsumik suliarineqarnissaat toqqortarineqarnissaallu isumagisassaraat. Tamanna atuuppoq toqqortanut elektroniskimik toqqorsivinnut toqqorneqarsimasunut. Toqqortat isumannaatsumik illersorneqarsinnaasumillu suliarineqarlutillu paarineqarnissaata nassataraa, toqqortat suliarineqarlutillu paarineqassammata toqqortat innarlerneqarnissamut sumulluuniit pitsaanerpaamik illersorneqarsinnaanngorlugit isumagineqarnissaat, tamatumalu kingorna Nunatta Katersugaasivianut Allagaateqarfianullu tunniunneqarsinnaanissaat.

Suliarineqarnerisa paarineqarnerisalu Nunatta Katersugaasiata Allagaateqarfialtu toqqorseriasissatut akuerisaani pinisaanut atatillugu, toqqortanullu elektroniskiunngitsunut tunngatillugu periutsip atuutereersup malittarisassanngortinnejarnera pineqarpoq. Tulliuttumi toqqortanut elektroniskiunngitsunut tunngatillugu taaguutigitinnejarpuit "qanittumi toqqorsivik" aamma "ungassisumi toqqorsivik". Qanittumi toqqorsivik tassaavoq allaffimmi toqqorsivik, toqqortat suli allaffissornikkut sulinermi atorneqassatillugit toqqorsiviusartoq. Ungassisumi toqqorsivik tassaavoq ini toqqorsiviusoq, toqqortat allaffissornikkut sulinermi pisariaarunnerannii Nunatta Katersugaasivianut allagaateqarfianullu nassiunneqarnissaasa tungaannut toqqorneqartarfiat.

Suliaq naammassineqarsimasutut isigneqassaaq piffissaq suliap suliareqqinnejarnnaaffia, allaffeqarfitsigut oqartussaasumut allamut naammagittaalliuutigineqarsinnaaffia eqqartuussivinnulluunniit suliakkiutigineqarsinnaaffia qaangiukkaangat.

Suliat naammassineqaraangata allaffimmi toqqorsivimmut inissinneqartassapput. Taamali pisoqannginnerani sulianut mappit salinnejassapput, tassa assilinerit, nuutsitat sinneri, atuakkat, puui plastikkiusut suliamullu attuumassuteqanngitsut allat peerneqassapput.

Eqqortumik saliineq inissarujussuarmik pilersitsisinnaavoq suliallu paasuminarsisisallugit pilertortumik ujarlerfiusinnaasunngorlugit. Saliinermi aamma saviminiaqqat tasisartullu peerneqartassapput, taakkumi manngertorninermikkut nungujartornermikkullu toqqortanik ajoqusiisinnaammata. Aamma takukkit siunnersummi § 13, imm. 1-imut oqaaseqaatit.

Toqqortat sumilluunniit ajoquserneqartussajunnaarlugit toqqortarineqartassapput. Init toqqorsivittut atorneqartut panerluinnartuunissaat pingaartuuvoq, isugutak toqqortanut aserornarluinnartuummat. Isugutaasinnaasoq qerinermilu qaartoortoqarsinnaanera pinngitsoorumallugu ini imermut ruujoreqanngitsoq toqqarneqartariaqarpoq. Ini susassaqanngitsunit iserfigineqarsinnaajunnaarneqassaaq. Imermik ikuallannikkulluunniit ajoqusiisoqartillugu Nunatta Katersugaasivia Allagaateqarfialu piaartumik ilisimatinneqartariaqarpoq ikuukkasuartussanik aanaveersaasussanillu piaernerpaamik aallartitsisinnaaqquallugu.

Imm. 2-mut

Aalajangersakkami aalajangerneqarpoq pisortat sullissiveqarfiutaasa toqqortaat akulerunneqassanngitsut, tassa imaappoq toqqorsivinni immikkoortuniitillugit. Tamatuminnga inatsisitigut aalajangiinikkut pisortat sullissiveqarfiisa assigiinngitsut toqqortaataasa akulerunneqannginnissaat qularnaarneqassaaq, aammalu pisortat sullissiveqarfi toqqortassaliorsimasut taakkuninngaluunniit aqqtissiuussisimasut suussusersineqarsinnaanissaat qularnaassallugu.

Paasissutissat pisortat sullissiveqarfiutaanni pinngortut tassungaluunniit nassiunneqarsimasut ataatsimoortiinnarneqassapput toqqortanit allanit immikkoortillugit. Pisortat sullissiveqarfiutaat toqqortanik pisortat sullissiveqarfiutaannit allaneersunik tamakkiisunik ilaannakuusunilluunniit tigummiaqaruni taakku immikkut toqqortarissavai, pisortallu sullissiveqarfiutaata nammineq toqqortaataanut akulerunneqassanngillat. Tamannalu aamma atuuppoq sullissiveqarfik sullissiveqarfiit assigiit ataatsimuulersinnejarsimanerisigut pilersimappat, aammalu oqartussaqarfik sullissiveqarfiup atortussajunnaarsinnejartup suliassaqarfiinik tigusinerminut atatillugu taassuma toqqortaataanik tigusaqarpat. Tamanna aamma atuuppoq pisortat sullissiveqarfiini akisussaaffiit nuunneqarsimappata, tamanna pillugu takuuk siunnersummi § 7.

§ 7-imut

Aalajangersagaq nutaajuvoq akisussaaffiullu pisortat sullissiveqarfiutaannit sullissiveqarfiutaannut allamut nuunneqarneranut tunngasuulluni, taamaattumillu § 6, imm. 2-mut attuumassuteqarluni, imaappoq suliat akulerunneqannginnissaannik tunngavik tassaniittooq assigalugu; tassa pisortat sullissiveqarfiutaasa assigiinngitsut toqqortaataasa akulerunneqarnissaat pinngitsoorniarlugu aammalu kikkut toqqorsisuunersut toqqorsinermulluunniit aqquataanersut paasisinnaajumallugu. Aamma aalajangersakkut qularnaarniarneqarpoq pisortat sullissiveqarfiutaata isumannaatsumik suliarinnittarnissaminik

toqqortarinninnissaminillu piumasaqaammik qaqugukkulluunniit isumannaarinissa, akisussaaffeqarfik sullissiveqarfimmut allamut siusinnerusukkut atasimagaluarpalluunniit apeqquaatinnagu.

#### Imm. 1-imut

Aalajangersakkut qulakteerniarneqarpoq suliat inaerneqanngitsut sulianit naammassineqareersunit immikkoortilluinnarneqarnissaat. Suliat naammassineqareersut, suliassaqarfipu sullissiveqarfimmiit sullissiveqarfimmut allamut nuunneqarnerani pisortat sullissiveqarfianni pineqartumi nassaarineqarsinnaasussaapput.

Pisortat sullissiveqarfutaannit sullissiveqarfimmut il.il. allamut Inatsisartut inatsisaanni matumani, tak. § 1, imaaliallaannaq pineqartunut ilaangitsumut nuussisoqartillugu, aalajangersagaq aatsaat atuutissaq sullissiveqarfik il.il. tigusisuusoq inatsisip atuuffianut § 1, imm. 2-imi aalajangersagaq malillugu ilanngunneqarsimappat. Pisuni allani toqqortat sullissiveqarfimmut suliassaqarfimmik tigusisumut nuunneqarsinnaanngillat.

#### Imm. 2-mut

Suliat inaerneqarsimasut tamarmik sullissiveqarfimmi nuussisumiiginnartussaapput, suliammi piffissaq suliarineqarfingisaat eqqarsaatigalugu qularnaatsumik nassaarineqarsinnaasariaqarmata. Pisut aalajangersakkami oqaaseqatigiit aappaasa atorneqarsinnaaffiisut takorloorneqartut soorlu tassaassapput pisortat sullissiveqarfutaat tigusisuusoq, suliassaqarfimmik tiguneqartumi suliassat nalinginnaasut aalajangersimasulluunniit isumagiumallugit toqqortanik taamaattunik pisariaqartitsippat. Sullissiveqarfik il.il. tigusisuusoq Inatsisartut inatsisaanni pineqartunut ilaangipat aalajangersagaq atorneqarsinnaanngilaq.

#### Imm. 3-mut

Aalajangersagaq pisortat sullissiveqarfutaasa, suliassaqarfiiit nuunneqarnerisigut sullissiveqarfiiit allat toqqortaannik tigummisaqaler simaneranni suliat akulerunneqartussaannginnerannik tunngaviup aammattaaq atuunneranik erseqqissaaneruvoq.

#### § 8-mut

Aalajangersagaq piginnaatitsisuusoq inatsimmit atuuttumit nanginneqarpoq, sulili atorneqarsimanngilaq.

Toqqortat paaqqutarineqarnissaannut tunngatillugu init toqqorsiviit iserfigineqarsinnaassusiat, susassaqanngitsut eqqarsaatigalugit sillimanissakkut najoqqutassiat, tillinniarfigitinnerit, ikuallattoornerit imermillu ajutoornerit kingunerisaannik aserukkat, inini pissutsit aammalu illup iluata silaanna, tassunga ilanngullugit kiassusia silaannaatalu isugutassusia pillugit maleruagassiortoqarsinnaavoq. Piumasaqaatit aalajangiunneqartut aamma soorunami toqqortanut Nunatta Katersugaasivianut Allagaateqarfianullu tunniussanut atuutissapput.

Toqqortat suliarineqartarnerat eqqarsaatigalugu suliassat aaqqissuunneqarnerat, suliat salinnejartarnerat kiisalu atortut pillugit maleruagassanik aalajangersaasoqarsinnaassaaq.

Aalajangersakkami oqaaseqatigiit aappaasa kingunerissavaat maleruagassat kommunit ingerlatsinerannut atuuttussat aalajangiutivinneqalinnginneranni Kalaallit Nunaanni Kommunit Kattuffiannut, KANUKOKA-mut isumaqatigiinniutigineqartussaanerat. Maleruagassat pisortat sullissiveqarfiutaanni allani maleruagassanik atuuttnik aallaaveqartariaqarput.

#### § 9-mut

Aalajangersagaq allanngortinneqarani inatsimmit atuuttumit ingerlateqqinnejarpooq.

##### Imm. 1-imut

Aalajangersakkami erseqqissarnejarpooq pisortat sullissiveqarfiutaasa toqqortaataat pisortanit pigineqaannartussaasut. Toqqortat allanut tunniunnejassanngillat, taamaattoq tak. siunnersummi § 7, imm. 1 aamma § 12, imm. 3.

Aalajangersagaq toqqortanut inuttaqanngitsutut taaneqarsinnaasunut taamatullu aamma toqqortanut maanna siusinnerusukkullu oqartussaasuusimasuneersunut, soorlu niuertorutsineersunut atuuppoq. Eqqartuussivitsigoorlugu pissarsisinnaaneq pillugu aalajangersagaliornermi eqqarsaatigineqarput tatiginnilluni pissarsisimaneq pillugu inatsisini maleruagassat periaaserineqartorlu.

##### Imm. 2-mut

Aalajangersagaq inatsisip siunertaanut attuumassuteqarpoq. Pisortat suliaanneersut pineqarput, imaappoq atortut oqartussaasumut sullissiveqarfimmulluunniit aalajangersimasumut tunngatillugit pilersitaammata pissarsiaammataluunniit, taamaammallu toqqortat allanut tunniunnejarsinnaanngillat.

Toqqortanik pigisalik tatiginnilluni taakkuninnga pissarsisimagaluarpaalluunniit toqqortat ajunngitsorsiassaqartitsinertaqanngitsumik Nunatta Katersugaasivianut Allagaateqarfianullu tunniunnejassapput. Akerlianilli allagaatinik siusinnerusukkut pigisaqarsimasut, pigisanik nalunaarutiginnittarnermut tunngatillugu inatsisitigut maleruagassat tunngaviusumillu inatsisitigut najoqqutarineqartartut tunngavigalugit piumasaqarfingineqarsinnaapput.

Aalajangersakkap oqaasertalernerani naatsorsuutaavoq, pisortat sullissiveqarfiisa toqqortaat inatsisit malinnejarpata inuinnarnit pigineqarsinnaanngitsut, tassami inatsimmi § 9, imm. 1 naapertorlugu tunniunnejarsinnaanngimmata. Aalajangersagaq una inatsisink minnerpaamik 1982-imiit atuuttunit ingerlatitseqqiineruvoq.

Kisianni imaassinjaavoq pisoqaanerusunik toqqortaqartoq inuinnarnit pigineqalersimasunik, tigumminnittullu nammineq pigineragaanik. Namminerisamik piginnittuuneq qaqtigoortumik uppernarsineqarsinnaapput, Naalakkersuisut toqqortanik arsaarinnissinnaapput, tamatumani inatsisit atuuttut naapertorlugit. Taamaattoqassappat aalajangersakkut siumoortumik oqariartutigineqarpoq inuiaqatigiit arsaarinnitoqarsinnaanera naatsorsuutigereeraat.

#### § 10-mut

Aalajangersagaq inatsimmi atuuttumi § 11-mut, tassa Nunatta Katersugaasivia Allagaateqarfialu nalunaarsuiffeqarnermut toqqorsiveqarnermullu pilersaarutit suliarineqarnissaannut najoqquṭassanik ilitsersuutaasunik aalajangersaasussaaneranut sanilliullugu allanngortinneqarpoq. Nalunaarsuiffeqarnermut toqqorsiveqarnermullu pilersaarutit pitsaasuunissaat qulakkeerumallugu naleqquṭtuusorineqarpoq, taakku taamaaliornissamut maleruaqqusat pituttuisut malillugit suliarineqartassasut.

Naalakkersuisut aalajangersakkamik piginnaatitsissutaasumik atuinermanni maleruagassat Nunatta Katersugaasiviata Allagaateqarfatalu tamatuminnga inassuteqarneratigut aalajangersassavaat. Aalajangersakkami oqaaseqatigiit aappaasa kingunerissavaat maleruagassat kommunit ingerlatsinerannut atuuttussat aalajangiuṭivinneqalinnginneranni Kalaallit Nunaanni Kommunit Kattuffiannut, KANUKOKA-mut isumaqatigiinniutigineqartussaanerat. Maleruagassat pisortat sullissiveqarfiutaanni allani maleruagassanik atuuttunik aallaaveqartariaqarput.

Nalunaarsueriaatsit qulequtanut agguataarsimasariaqarput, piffissallu nalunaarsuiner mik suliaqarfiut aalajangersimasuusariaqarlutik, soorlu ukiut tallimakkutaarlugit qulikkuutaarlugilluniit, taamaaliortoqanngippammi toqqorsivinni atortussaajunnaarsitsisarneq isumannaatsoq pitsaorlu ingerlanneqarsinnaanngimmat. Elektroniskimik nalunaarsuisarnermi amerliartortitsineq piffisanullu agguaasarneq maleruagassiat qangatut nalunaarsuisarnermisut atuuttut atuuttariaqarput. Toqqorsiveqqortussuserli eqqarsaatigalugu piffissat nalunaarsuiffiusartut sivikinnerusut atorneqartariaqarsinnaapput. Tamatuma nalunaarutikkut maleruagassiunneqarnissaa naatsorsuutigineqarpoq.

Maleruagassat ilitsersuutaasut ullumikkut ukunani nassaassaapput "Pisortat sullissiveqarfiutaasa toqqorsivii - Toqqortanik toqqortarinninneq, tunniussineq atorunnaarsitsinerlu pillugit aalajangersakkat ilitsersuutillu" Kalaallit Nunaata Toqqorsiviata 1987-imi saqqummersitaani aamma "Nunatsinni kommunini toqqortanik toqqortarinninneq atorunnaarsitsisarnerlu pillugit aalajangersakkat" Nunatta Katersugaasiviata Allagaateqarfatalu 1991-imi saqqummersitaani.

#### § 11-mut

Imm. 1

Aalajangersagaq inatsimmi atuuttumi § 13-imut sanilliullugu allanngortinneqarpoq.

Isumalluutit pissutigiinnarlugit maanna ersereeropoq pisortat sullissiveqarfiutaasa toqqortaataasa ilaminiinnanngui pigiinnarneqarsinnaasut. Inuaqatigiinni paasissutissiiffiusartuni nutaliaasuni paasissutissarpassuit pilersinneqartartut sullissiveqarfinni pappiaqqat paasissutissallu ingerlaernerisa pitsaasumik aaqqissuunnerisigut, aammalu paasissutissat pigiinnarnissaat pisariaqanngitsut aaqqissuussaasumik atortussaajunnaarsinneqartarnerisigut, soorlu nuutsitat pisariaqanngitsut, suliat assigiaartut, paasissutissat nalinginnarmik suleriaatsinut tunngasut paasissutissiiniutaannaalluunniit il.il. peertarnerisigut atorneqarsinnaasunngorlugit paasiuminartunngorlugillu ilusilorsorneqartariaqarput.

Nunatta Katersugaasivia Allagaateqarfialu toqqortat paariinnarnissaat pisariaqanngitsut atortussaajunnaarsinneqarnissaat pillugit ilitsersuutaasunik inatsit atuuttoq naapertorlugu najoqqutassiaqarpoq. Maleruagassat ilitsersuutaasut ullumikkut ukunani nassaassaapput "Pisortat sullissiveqarfiutaasa toqqorsivii - Toqqortanik toqqortarinninneq, tunniussineq atorunnaarsitsinerlu pillugit aalajangersakkat ilitsersuutillu" Kalaallit Nunaata Toqqorsiviata 1987-imi saqqummersitaani aamma "Nunatsinni kommunini toqqortanik toqqortarinninneq atorunnaarsitsisarnerlu pillugit aalajangersakkat" Nunatta Katersugaasiviata Allagaateqarfialu 1991-imi saqqummersitaani.

Najoqqutassiat ilitsersuutaasut soorunami pituttuisuunngillat. Atortussaajunnaarsitsisarneq pillugu maleruagassat Naalakkersuisunit, Nunatta Katersugaasiviata Allagaateqarfialu tamatuminnga inassuteqarneratigut aalajangersagaanissaannik naleqquuttuusorinninneq ilaatigut Ombudsmandip tamatuminnga kaammattuineranik tunngaveqarpoq. Inatsisip siunertaasa ilagaat, toqqortat pigiinnartariaqanngitsut oqartussaasut Inatsisartut inatsisaanni matumani ilaatinneqartut suleqatigalugit atortussaajunnaarsinneqarsinnaanissaat. Allagaatit atortussaajunnaarsinneqartut soorunami pissarsiareqqinnejqarsinnaajunnangimmata atortussaajunnaarsitsinerit qaqugukkut qanorlu pinissaat pillugit maleruagassat erseqqissuusariaqarput. Aamma allagaatit qaqugukkut pigiinnarneqartussaanngitsutut nalilerneqarnissaat pillugu missingersuut suussanersoq aalajangersarneqassaaq.

Kiisalu erseqqissassallugu naleqquuttuusorineqarpoq Naalakkersuisut maleruagassanik erseqqinnerusunik, Nunatta Katersugaasiviata Allagaateqarfialu tamatuminnga inassuteqarneratigut aalajangersaanissamut piginnaatitaanerat toqqortanut pigiinnarneqartussaanngitsunut atuummat. Taamaammat atortussaajunnarsitsinissaq pillugu malittarisassaliornermi aammattaaq erseqqissarneqassaaq, suliat suli suliarineqartut qanorluunniit pisoqaraluarpat atortussaajunnarsinneqassanngitsut.

Suliap suliareqqinnejarsinnaanera, allaffeqarfitsigut oqartussaasumut allamut naammagittaalliorsinnaaneq, ombudsmandimut naammagittaalliorsinnaaneq eqqartuussivinnulluunniit suliakkiussisinnaaneq pillugu nalornissuteqartoqarnerini tamani atortussaajunnaarsitsisoqassangilaq, suliap suliareqqinnissaa naammagittaalliuutigineqarneraluunniit imaluunniit eqqartuussineq naammassisvitsinnagu.

Aammattaaq toqqortanik atortussaajunnaarsitsisarneq pillugu maleruagassat immikkut ittut inatsisini allani aalajangersarneqarsinnaapput. Maleruagassat taamaattut soorlu Pisortani oqartussat nalunaarsuiffii pillugit inatsimmi nr. 294, 8. juni 1978-imeersumi § 9, imm. 3-mi allassimapput. Taamaattumik paassisutissanik atortussaajunnaarsitsisarneq pillugu aalajangersakkat immikkut ittut nalunaarsuiffinni ataasiakkaani maleruaqqusani aalajangersarneqassapput, tak. Pisortani oqartussat nalunaarsuiffii pillugit inatsimmi nr. 294, 8. juni 1978-imeersumi § 6, imm. 2.

#### Imm. 2

Toqqortat atortussaajunnaarsitassatut aalajangikkat aserorterneqassapput. Nunatta Katersugaasivianut Allagaateqarfianullu imaluunniit allanut tunniunneqarsinnaanngillat. Aserorterineq maskiinamik sequtserinikkut, ikuallaanikkut assigisaanilluunniit isumannaatsumik pisinnaavoq. Toqqortanik aserorterineq nakkutigineqartumik piuartariaqarpoq. Pisortat sullissiveqarfiutaasa toqqortat kikkunnit susassaqanngitsunit pissarsiarineqarsinnaajunnaarlugit aserorterneqarnissaasa isumagineqarnissaat pisussaaffigaat.

## Kapitali 4

### § 12-imut

#### Imm. 1-imut

Aalajangersagaq inatsimmik atuuttumik ilaatigut nangitsineruvoq, imaraalu Nunatta Katersugaasiviata Allagaateqarfialu toqqortanik tigusisussaatitaanera, taamatullu aamma pisortat sullissiveqarfiutaasa toqqortanik tunniussisussaatitaanerat.

Toqqortanik ukiunik 15-inik pisoqaassusilinnik pisoqaanerusunilluuniit tigusinissaminut Nunatta Katersugaasivia Allagaateqarfialu pisussaaffeqarpoq, toqqortat pisortani allaffissornikkut oqartussaqarfimmut tunniussisumut pingaaruteqarunnaaraangata atorunnaarsitsinissamullu killiliussaasinnaasut qaangiukkaangata.

Toqqortanik tunniussineq Nunatta Katersugaasivia Allagaateqarfialu immikkut isumaqtigiissuteqarfigalugu piffissami siusinnerusumi pisinnaavoq, aatsaallu pisinnaalluni toqqortat allaffissornikkut oqartussaqarfimmut tunniussisumut pingaaruteqarunnaaraangata atorunnaarsitsinissamullu killiliussaasinnaasut qaangiukkaangata.

Aamma nutaartaavoq Nunatta Katersugaasivia Allagaateqarfialu immikkut isumaqatigiissuteqarfigalugu piffissami kingusinnerusumi tunniussisinnaaneq. Periarfissaq taanna naleqquttuutilugu ilanngunneqarpoq, Nunattami Katersugaasivia Allagaateqarfialu misilittagaareersut naapertorlugit aamma toqqortassanik amerlasuunik tigusissalluni inissaqartitsiniarnikkut amigaateqartarmat. Taamatut isumaqatigiissusiornermut atatillugu kinguartitsinissamut piumasaqaatit aalajangersarneqarsinnaassapput.

Pisoqaassusissaannut piumasaqaatit toqqortat ataatsimoortut ukiumi naaffianni naatsorsorlugit aallartinneqartarput. Toqqortat ataatsimoortut tassaapput pissutsimikkut ataatsimoortut, soorlu protokolit, allakkiat suliamut tunngasut, mikrofilmit, magnetbåndi imaluunniit suut ataatsimoortut toqqorterinermi ilanngunneqarsimasut. Assigiinngitsut pissutaallutik, assersuutigalugu nalunaarsuisarnerup akuttussusia, imaassinnaavoq ukiut 15-it sinnerlugit qaangiutereersut aatsaat tunniussisoqartoq.

Allatut isumaqatigiissuteqartoqarsimangippat Nunatta Katersugaasiviata Allagaateqarfialalu assigiinngitsut pissutigalugit piumasarisinnaavaa tunniussinermi suliat, protokolit il.il. ataqtigiissut tunniunneqassasut, annikitsukkuutaarlugimmi tunniussisarnerit tamatigut tulluanngivissumik aaqqissuinermik nassataqartarmata. Naalakkersuisut atortussaajunnaarsitsineq pillugu maleruagassanik erseqqinnerusunik aalajangersaasinnaanerminnut piginnaatitsisummik atuitserlugit innersuussutigineqarput najoqqutassat ilitsersuutaasut "Pisortat sullissiveqarfiutaasa toqqorsivii - Toqqortanik toqqortarinninneq, tunniussineq atorunnaarsitsinerlu pillugit aalajangersakkat ilitsersuutillu" Kalaallit Nunaata Toqqorsiviata 1987-imi saqqummersitai, tassani immikkoortoq 4-imi inassutigineqarpoq sullissiveqarfiup toqqortai tunniunneqartussaatitaasut tamarmik ukioq killiliussaq aalajangersimasoq tikillugu tunniussinermi ilanngunneqassasut.

Toqqortat suli atorneqartut tunniunneqassanngillat. Tassa imaappoq suliat naammassineqarsimangitsut tunniunneqarsinnaanngillat. Tunniussisussaatitaanermi aamma pineqanngillat toqqortat pisortat sullissiveqarfiuta ilisimatuussutsikkut katersaatai.

Tunniussinissamut killiliussat immikkut ittut inatsisini allani aalajangersarneqarsinnaapput.

## Imm. 2-mut

Aalajangersakkap kinguneraa Nunatta Katersugaasiviata Allagaateqarfialalu saniatigut allamut tunniussisoqassanngitsoq, tunniussigallartoqarsinnaanngitsorluunniit. Taamaammat soorlu kommuninut immikkut toqqorsiviliorqarsinnaanngilaq kommunit ingerlatsiviisa toqqortanut, ingerlatsiviup atorunnaagaanut toqqortarinniffigisinnaasaannik. Taamaattorli oqartussaqarfiit sullissiveqarfiilluunniit ataasiakkaat toqqorsivinnik pilersitsisinnaapput, suliat oqartussaqarfiup suliaanut pingaaruteqarunnaartut tunniunneqarnissaasa tungaanut toqqorsivissanik, aamma takukkit siunnersuummi § 6, imm. 1-imut oqaaseqaatit. Toqqorsiviliornermi innuttaasut, suliassat suliarineqartarnerat pillugu inatsit aamma

paasitinneqarsinnaatitaaneq pillugu inatsit naapertorlugit paasitinneqarsinnaanermut periarfissaasa ajornarnerulinnginnissaat eqqarsaatigineqassaaq.

#### Imm. 3-mut

Aalajangersagaq Nunatta Katersugaasiviata Allagaateqarfiatalu taamaallaat toqqortanik ukiunit 15-init pisoqaanerusunik tigusinissaminik pisussaaffeqarneranik atuutsitsinnginnissamut tunngavoq, tak. siunnersummi imm. 1.

Pisortat sullissiveqarfiutaat suliassaqarfimmik sullissiveqarfimmit allamit atorunnaartumit tigusippat, taamalu toqqortaataanik tigusippat, toqqortat taakku pisortat sullissiveqarfiutaata nammineq toqqortaataanit immikkoortinneqassapput, tak. siunnersummi § 6, imm. 2. Toqqortat tiguneqarsinnaasutuat tassaapput suliat naammassineqarsimangitsut aammalu suliat sullissiveqarfimmut suliassaqarfimmik tigusisuusumut allaffissornikkut pingaaruteqarsinnaasut. Pisortat sullissiveqarfiutaasa pioreersut akornanni akisussaaffeqarfiit allanngornerat pillugu aamma takukkit siunnersummi § 7-imut oqaaseqaatit.

#### § 13-imut

##### Imm. 1-imut

Sulianik saliineq paasineqassaaq suliat ataasiakkaat misissorneqarnerattut, taamaaliormerini nuutat, paassisutissat amerlasuunngukkat sinneri, atuakkat, ungalut plastikkit allallu suliamut attuumassuteqanngitsut peerneqassasut. Aamma savimerngit kakkersaatit tasisuasullu peerneqassapput manngertorninermikkut nungujartornermikkullu toqqortanik ajoquisiisinhaammata. Siunnersummi § 11, imm. 2-mut oqaaseqaatini allassimareerpoq toqqortat atorunnaarsitassanngorsimasut tunniunneqarsinnaanngitsut.

§ 13 toqqortanut pisortat sullissiveqarfiutaata sullissiveqarfinnit atortussaajunnaarsinneqarsimasunit tigusimasaanut atuutinngilaq, tak. siunnersummi § 12, imm. 3. Taamaattut tigusinermi pissusiattut tunniunneqarsinnaapput.

##### Imm. 2-mut

Aalajangersagaq inatsimmut atuuttumut, tassa Nunatta Katersugaasiviata Allagaateqarfiatalu toqqortanik tunniussisarneq pillugu erseqqinnerusunik maleruagassiorsinnaaneranut sanilliullugu allanngortinneqarpoq, tassami aalajangersagaq piginnaatitsissutaasoq Naalakkersuisunut nuunneqarmat, Nunatta Katersugaasiviata Allagaateqarfiatalu tamatuminnga inassuteqarneratigut, matumani ilanngullugu toqqortanik elektroniskiusumik tunniussineq.

Naalakkersuisut aalajangersakkamik piginnaatitsisummik atuitserlugit innersuussutigineqarput najoqqtassat ilitsersuutaasut "Pisortat sullissiveqarfiutaasa toqqorsivii - Toqqortanik toqqortarininniq, tunniussineq atorunnaarsitsinerlu pillugit aalajangersakkat ilitsersuutillu" Kalaallit Nunaata Toqqorsiviata 1987-imi saqqummersitai.

Taakku ilaatigut immikkoortumi 2-mi imaraat toqqortanut illerfiusat, allattuiffiit, nalunaaqutsersuutaasa inissinneqarfissaat aammalu nipinneqqutip atorneqarnissaa pillugit piumasaqaatinut aalajangersakkat aammalu immikkoortoq 3-mi imaralugit aaqqissuussinissaq tunniussinermilu qulequtseruinissaq pillugit aalajangersakkat.

Imm. 3-mut

Tunniussinermi angallassinermut aningaasartuutit saniatigut aningaasartuutit tassaapput toqqortanut illerfiusanik allanillu poortuinermut nalunaaqutsersuinermillu atugassanik pisinerit. Oqartussaqarfiup tunniussisuusup sulianik saliisussaatitaanini ingerlaavartumillu atorunnaarsitsisartussaatitaanini naammassisimannngippagit Nunatta Katersugaasiviata Allagaateqarfiatalu pissutsit aaqqinnejarnissaasa tungaanut toqqortanik tigusiumannnginnissaminut taarsiullugu taakkuninnga suliaqarnissamut naleqquttumik akileeqqusisinnaavoq.

Toqqortat tunniunneqareerneranni aningaasartuutit Nunatta Katersugaasiviata Allagaateqarfiatalu isumagissavai. Tamanna Nunatta Katersugaasiviata Allagaateqarfiatalu siunnersummi § 12-imik aalajangersakkat naapertorlugit toqqortanik tigusisussaatitaanerata toqqortarinnittussaatitaaneratalu malitsigaa.

#### § 14-imut

Sullissiveqarfiup toqqortat nammineq tunniussani kisiisa sulinermut atugassatut attartorsinnaassagai naatsorsuutaavoq. Attartorsinnaanermut periarfissaq aammattaaq atuinermut malittarisassanut nalinginnaasunut tapiutitut isigineqassaaq.

Suliat sulinermut atugassatut attartortariaqalersinnaapput assersuutigalugu suliassat suliarineqartarerat pillugu inatsit aamma paasitinneqarsinnaatitaaneq pillugu inatsit naapertorlugit paasitinneqarnissamik qinnuteqaammik suliaqarnissami. Taama pisoqarsinnaavoq toqqortat kap. 5-imik aalajangersakkat naapertorlugit suli tamanit takuneqarsinnaanngunnginneranni.

Pissarsiarineqarsinnaanerannut piffissarititaasut qaangiutereerneranni paasitinneqarnissamik qinnuteqartoqarnissaa ilimanaateqanngilaq, tassami toqqorsiveqarneq pillugu inatsimmi maleruagassat naapertorlugit toqqortanik atuinissamut periarfissat suliamik paasitinneqarnissaminngarnit tunngaviatigut pissarsiaqarfiunerusinnaammata, tak. kapitali 5-imut oqaaseqaatit.

## Kapitali 5

Suliassat suliarineqartarerat pillugu inatsit aamma paasitinneqarsinnaatitaaneq pillugu inatsit naapertorlugit paasitinneqarsinnaanermik apeqqut toqqortat Nunatta Katersugaasivianut

Allagaateqarfianullu tunniunneqarsimancerannit sunnerneqarnavianngilaq, tak. siunnersummi § 14-imut oqaaseqaatit. Tassa imaappoq toqqortanik atuineq pillugu inatsisini aalajangersakkat paasitinneqarsinnaaneq pillugu maleruagassanit pingarnerunngillat, piffissaq toqqortat allagaateqarfeqarneq pillugu inatsisit naapertorlugit kikkunnilluunniit pissarsiarineqarsinnaalerfissaat tikillugu.

Allagaateqarfeqarneq pillugu inatsit naapertorlugu toqqortat kikkunnilluunniit takuneqarsinnaalerniariartut toqqortat atorneqarsinnaanerannut periarfissat paasitinneqarsinnaatitaanermiit annertunerussapput. Inatsisartut inatsisaat manna naapertorlugu toqqortanik atuinissamik qinnuteqartup, paasitinneqarnissamik qinnuteqaammisuulli allagaatit sulialluunniit paasisaqarfigumasap suunerannik taasaqarnissaa piumasaqaataanngilaq. Assersuutigalugu oqaluttuarisaanermik misissuinermin nalinginnaasumik aallaavigineqassamat sammisamut paasisaqarfigerusunneqartumut tunngasortalinnik toqqortaateqartoqarnerata paasiniarnissaa.

Toqqortat atorneqarsinnaanerannut toqqortat qanoq pisoqaatigilersimanerat apeqquataavoq, tak. siunnersummi §§-it 15-imiit 16-imut. Aalajangersakkatigut tamakkunuuna kikkulluunniit pissarsisinnaanerannik killiliisutigut siunertarineqarpoq paassisutissat inunnut ataasiakkaanut tunngasut kiisalu oqartussat soqutigisaat isumannaassallugit. Tamatumunnga atatillugu inuit ataasiakkaat paassisutissanik inniminartunik, ajoqutaasinnaasunillu namminerminnut tunngasunik sivisuumik illersuisinnaatitaasutut isigineqarput.

Pissarsiarineqarsinnaalerfissaannut killiuliussaq nalinginnaasoq tassaavoq ukiut 25-it, tak. siunnersummi § 15. Tamatumunnga immikkut iliuuseqarsinnaanerit §§-ini 16-imiit 18-imut taaneqarput. Inatsisit allat tunngavigalugit allatut aamma iliuuseqartoqarsinnaavoq. Toqqortanik pissarsiniartoqarnerani Nunatta Katersugaasiviata Allagaateqarfiatalu toqqortat pissarsiarineqartinnagit paaseqqaartariaqarpaa toqqortat pineqartut tamanit pissarsiarineqarsinnaatitaanersut. Erseqqissarneqassaaq toqqortat tamanit pissarsiarineqarsinnaasut kikkunnilluunniit pissarsiarineqarsinnaammata. Tassa imaappoq toqqortanik pissarsiniartut immikkut piumasaqaateqarfigineqarsinnaanngillat.

### § 15-imut

Aalajangersakkami aalajangerneqarpoq pissarsiarineqarsinnaalerfissaat ukiunut 25-inut killilerneqartoq. Tassa nalinginnaasumik tunniunneqarneriniit ukiut qulit ingerlaqqaassapput toqqortat tamanit pissarsiarineqarsinnaalernissaasa tungaanut. Nunatta Katersugaasiviata Allagaateqarfiatalu mianerisariaqarpaa toqqorsivinni tamanit tикинneqarsinnaasuni toqqortat tamanit pissarsiarineqarsinnaasut pissarsiarineqarsinnaanngitsullu immikkoortinnejnissaat.

Siunnersummi § 16-imi aalajangersagaq apeqquataatinngagu ukiunik 25-inik maleruagassaaq atutissaaq paassisutissanut inunnut tunngasunut, paassisutissat taakku ajoqutaasussaanngikkaangata tassaannaallutili isertuussassat nalinginnaasut, soorlu inuttut

inissisimanermut tunngasut. Ukiut 25-it sinnerlugin illersortariaqarnissaannik tunngavissarissaartumik pisariaqartitsisoriaqariataassagaluarpat § 17, imm. 1-imik tunngaveqarluni pissarsiarineqarsinnaalernissaat pillugu immikkut ittumik isumaqatigiissuteqartoqarsinnaavoq, tamatumunnga oqaaseqaatit takukkit.

Pissarsiarineqarsinnaalernissaannut killiliussaq qaangiuppat toqqortat kikkunnilluunniit pissarsiarineqarsinnaalissapput.

#### § 16-imut

Aalajangersakkut paassisutissat inummut namminerluinnarmut tunngassuteqartut ajoqutaasinnaasut illersorneqarput. Tassaapput peqqissutsimut, inuttut aningaasaqarnikkullu ajornartorsiutit annertuut kiisalu nuannaarniutnik atornerluinerit. Akerlianik ukiunik 80-inik killiliussaq paassisutissanut ajoqutaasussaanngitsunut nalinginnaasumik isertuussassanut, soorlu inuttut inissisimanermut tunngasunut atuuttariaqanngilaq. Ukiut 80-it sinnerlugin illersuisoqarnissaanik tunngavilersorluakkamik pisariaqartitsisoqariataassagaluarpat pissarsiarineqarsinnaanerannut killiliussat immikkut ittut § 17, imm. 1 tunngavigalugu isumaqatigiissutigineqarsinnaapput, tamatumunnga oqaaseqaatit takukkit.

Toqqortat ukiunik 80-inik killiliussamut ilaasut assersuutitut taaneqarsinnaasut tassaapput suliat sulisoqarnermut tunngasut, inunnik isumaginninnikkut sullitat, qitornavissiartaarniarneq pillugu suliat, atuarfiit tarnikkut ilisimasalittaasa nalunaarusiaat kiisalu nammineerluni nalunaarsukkat aammalut akileraartarnermut tunngasut. Ukiunik 80-inik killeqartitsinerup atorneqarnissaa pissutsit ataasiakkaat aallaavigalugit Nunatta Katersugaasiviata Allagaateqarfatalu aalajangiivigissavaa, pisariaqassappat pisortat sullissiveqarfiat toqqortalik isumasioqatigalugu.

#### § 17-imut

##### Imm. 1-imut

§ 17-ip nassuiarneqarnerani pingaartilluinnarneqassaaq pissarsiarineqarsinnaassusiannut killiliussanik siunnersuummi §§-ini 15-imiit 16-imut allassimasunik sivitsuinissaq taamaallaat pisinnaammat aalajangersakkami taaneqartut soqutigisaasa immikkut eqqarsaatigisariaqartut illersorneqarnissaat pisariaqarpat. Soqutigisat taakku taamaaqatigaat allagaatit, suliassat suliarineqartarnerat pillugu inatsit aamma paasitinneqarsinnaatitaaneq pillugu inatsit naapertorlugit paasitinneqarsinnaanermi illersugaasut. Tassani naatsorsuutigineqarpoq toqqortanik pissarsisinnaanermut tunngatillugu illersuisariaqarnerit § 17-imi taaneqartut suliassat suliarineqartarnerat pillugu inatsit aamma paasitinneqarsinnaatitaaneq pillugu inatsit naapertorlugit paasitinneqarsinnaaneq pillugu apeqqummit pingarnerussanngitsut, tamannalu toqqortat tamanit takuneqarsinnaalernissaasa tungaanut piffissap sivilusussianik - tassa ukiunik 25-nik ukiunillu 80-inik pisuteqarpoq. Takuneqarsinnaalernissaannut killiliussamik

siunnersuummi § 16-imiittumik sivitsuisinnaanerup qaqtigorluinnaqqissaq pisarsinnaanissaa naatsorsuutigineqarpoq.

Inuit ataasiakkaat pisortallu soqutigisaasa annertuumik eqqarsaatigisariaqarnerat pissarsiarineqarsinnaalernissaannut killiliussamik sivitsuinermut pissutaasinnaasoq soorlu tassaasinnaavoq naalagaaffiup isumannaatsuunissaa illersorneqarnissaalu, naalagaaffiup nunanut allanut politikkikkut aammalu nunani allani aningaasaqarnikkut soqutigisaat, pisortat inuillu aningaasaqarnikkut soqutigisaat, tassunga ilanngullugit atortorissaarutitigut periutsitigullu aaqqissuussinerit pillugit paassisutissat illersorneqarnissaat, pisortat nakkutiliinerat, pilersaarusrornermut malittarisassaqartitsinermullu tunngasut kiisalu akileraartarnikkut akitsuusiisarnikkullu inatsisit naapertorlugit iliuutsit aammalu allaffigisaqattaannerit eqqartuussivinni atugassat imaluunniit eqqartuussisoqarnissaanik aalajangerniarnermi eqqarsaatersuutit.

Inuit ataasiakkaat toqqortaataannik tunniussaqartut pissarsiarineqarsinnaanerat pillugu qanorluuniit killiisinnaapput, allaallu pissarsiarineqarsinnaanngilluinnarnissaannik aalajangiisinjaallutik, tak. siunnersuummi § 25, imm. 2.

#### Imm. 2-mut

Aalajangersagaq aalajangersarneqarpoq pisortat sullissiveqarfiutaata toqqortaminik piffissami sivisunerusumi pissarsisoqarsinnaajunnaarsillugu isumaqatigiissuteqarnissaap pinngitsoorniarlugu, taamaaliornikkullu pisortat toqqortaataasa sapinngisamik ammanerpajunissaannik naatsorsuutigineqartoq eqqortikkumallugu.

#### § 18-imut

Aalajangersagaq tunngaviit nalinginnaasut sunik malitseqarnerannik erseqqissaaneruvvoq, tassa imaappoq naalagaaffimmi oqartussaasunut qanorpiaq isumaqatigiissuteqartoqarnersoq.

Toqqortat Naalakkersuisut naalagaaffimmilu oqartussat, naalagaaffimmi oqartussat Kalaallit Nunaanni sullissiveqarfiisa toqqortaasa Nunatta Katersugaasiviani Allagaateqarfianilu toqqortarineqarnissaat pillugu maanna isumaqatigiissutaat naapertorlugu Nunatta Katersugaasiviani Allagaateqarfianilu toqqortaatigineqartut tamanit pissarsiarineqarsinnaanngillat.

#### § 19-imut

Pissarsiarineqarsinnaalernissaannut killiliussaq toqqortat ataatsimoortut ukiumi naaffianniit naatsorsorneqassaaq. Tassa imaappoq, soorlu suliat 2014-imi naammassisut siunnersuummi § 15-imi pineqartunut ilaagunik ukioq 2029-mi pissarsiarineqarsinnaalissapput, 2014-ip qanoq ilineratigut naammassineqarsimanersut apeqqutaatinngagu.

## § 20-mut

### Imm. 1-imut

Ilisimatusarnermut atugassatut oqarnermi sammisanut tamanut oqaluttuarisaanermi paasissutissanik tunngaveqarfiusartunut atugassatut siunertarineqarpoq. Akerlianilli pissarsiarineqarsinnaalernissaannut killiliussani immikkut akuersissuteqartoqassappat piumasarineqarpoq ilisimatusarneq paasiniaanerluunniit ilisimatuussutsimik tunngaveqassasoq. Toqqorsivinnik atuisarnerup ilarujussua tusagassiortut sulinerannut inuilluunniit ataasiakkaat eqqarleriinnik najukkaminnilluunniit ilisimatusarnerannut tunngassuteqartarpooq. Taama "ilisimatusarnermut" atatillugu pissarsiarineqarsinnaalernissaannut killiliussat immikkut akuersissuteqarnikkut atortussaajunnaarsinnejarsinnaassanngillat.

Naatsorsuutigineqarpoq Nunatta Katersugaasiviata Allagaateqarfialtu immikkut akuersissuteqarsinnaanini mianersorluni atussagaa, aatsaallu tunngavissaqarluartumik ilisimatusartoqarnerani atortassallugu. Tassa Nunatta Katersugaasiviata Allagaateqarfialtu paasissutissat takorusunneqartut naliliivigisassavai takujumaneqarnerinilu siunertaasoq aamma. Taamaattorli pisortat toqqortaataasa ajornannginnerpaamik pissarsiarineqarsinnaanissaannik kissaat, aammalu imm. 3 naapertorlugu immikkut akuersissuteqarfigineqarnissamik piumasaqaateqarnissamut periarfissat immikkut akuersissuteqarnissamut suliat suliarineqartillugit eqqarsaatigineqassapput.

### Imm. 2-mut

Ilisimatusarnermut atorneqartussaatillugit pissarsiarineqarsinnaalernissaannut killiliussat immikkut akuersissuteqarnikkut atortinneqannginnissaannik oqartussat tunniussisuusut akuersissuteqarsinnaanerannut, immaqa piumasaqaatitalerlugu, aalajangersagaq aporfissaqartitsinngilaq.

### Imm. 3-mut

Paasissutissat pissarsiarineqarsinnaasutut akuerineqartut qanoq ittuunersut tunngavigalugit piumasaqaatit aalajangiunneqassapput. Nunatta Katersugaasivia Allagaateqarfialu soorlu aalajangersinnaavoq toqqortat immikkut akuersissuteqartoqarneratigut pissarsiarineqarsinnaalersinnejartut misissussallugit, paasissutissallu ajoqutaasinnaasut piiassallugit, imaluunniit paasissutissat ajoqutaasinnaasut tamanut saqqummiunneqarnissaat ingerlateqqinnejarnissaalluunniit inerteqqutigisinnaallugu.

## § 21-mut

### Imm. 1-imut

Nutaartatut erseqqissumik aalajangiunneqarpoq toqqortat nalinginnaasumik taamaallaat Nunatta Katersugaasiviani Allagaateqarfianilu atorneqarsinnaasut. Taamaalsoqannginnissaanut imm. 2-mi aalajangersagaqarpoq.

Ilitsersuineq tassaasinnaavoq suliat allakkalluunniit aalajangersimasut nassaariniarneranni ikuunneq, imaluunniit toqqorsiviit paasissutissarsiorfigalugit qanoq atorneqarsinnaanerannik ilisimatitsineq, eqqarleriinnik ilisimatusarnermi, qarasaasiatigut paasissutissanik paasinianermi il.il. ilitsersuineq.

Imm. 2-mut

Angerlaassineq taamaallaat ilisimatusarnermi pisinnaavoq. Ilisimatusarnerit suussusii § 20-mi immikkut akuersissuteqartarneq pillugu aalajangersakkansut killilerneqassapput. Tassa imaappoq ilisimatusarneq ilisimatusarnernut aalajangersimasunut sammitinneqanngilaq.

Nunatta Katersugaasiviata Allagaateqarfatalu suliassaqarfii sulisussaqarnerlu eqqarsaatigalugit naatsorsuutigineqartariaqartutut isigineqarpoq annillugit attartorneq taamaallaat pisinnaasoq attartorniakkat amerlassusii killeqarpata aammalu sulikulunnarpallaanngitsumik nassaarineqarsinnaappata.

Sullissiveqarfiit assingusut toqqortanik atugassaannik attartortinnejqarsinnaasut soorlu tassaasinnaapput universitetit aammalu qaffasinnerusumik ilinniarfiit allat. Akerlianik aalajangersakkap kingunerisaanik inunnut ataasiakkaanut attartortitsisoqarsinnaanngilaq.

Pisortat sullisseveqarfiutaat toqqortanik nammineq tunniussaminik angerlaallugit sukkulluunniit attartorsinnaavoq, tak. siunnersuummi § 14. Angerlaallugit attartorneq taamaallaat pisinnaavoq sulinermut atugassaritillugit, imaanngitsoq allamut attartorteqqitassatut.

Aalajangersagaq allagaatinut nuutaanngitsunut taamaallaat atuuppoq, tassa imaappoq paasissutissat tamanit pissarsiarineqarsinnaasut nuullugit Nunatta Katersugaasiviata Allagaateqarfatalu avataani taamaalillunilu tigusisussamut killiliinngitsumik atugassanngorlugit nassiunneqarnissaannut aporfissaqanngilaq. Tamatuminnga kissaateqartoqarpat Nunatta Katersugaasivia Allagaateqarfialu ikuuttariaqarpoq, killissaa mianeralugu. Nuutanik pissarserusuttup paasissutissat sorliit piniarnerlugit eqorluakannerlugu taasariaqarpai. Taamaattoqanngippat Nunatta Katersugaasiviata Allagaateqarfatalu innersuussutigisinnaavaa atugassat Nunatta Katersugaasiviani Allagaateqarfianilu atorneqartariaqassasut.

§ 22-mut

Nipangiussisussaatitaaneq pillugu maleruagassaq toqqortaatinik atuisinnaaneq pillugu immikkut akuersissuteqarnermi nalinginnaasumik atuuppoq, imaanngitsoq immikkut akuersissuteqarnermi piumasaqaataasinnaasutut.

Aalajangersakkut pingarnertut siunertarineqarpoq toqqortat tamanit

pissarsiarineqarsinnaanngitsut pissarsiariniarlugit qinnuteqaatit allaffissornikkut aqunneqarnerisa pisariillisarneqarnissaat, aammali paassisutissat isertuussassat toqqortani, siunnersummi § 20 naapertorlugu immikkut akuersissuteqarnikkut pissarsiarineqarsinnaalersinneqartuni nassaassaaratarsinnaasut atornerlunneqannginnissaannik qulakkeerinissaq.

Paasisutissaq isertuuttarialiusarpoq taamaattuunera inatsisitigut allatigulluunniit aalajangersakkatigut atuuttutigut oqaatigineqaraanngat, imaluunniit pisortat inuilluunniit ataasiakkaat soqutigisaat pissutigalugit isertuunnissaat pisariaqaraanngat.

Taamaaliortussaatitaatinnani ingerlatitseqqiisoqassanngilaq, tamanut saqqummiussisoqassanani atuisoqassanani. Tassa tamanna ima paasineqassaaq paasisutissat soorunami atorneqarsinnaasut paasisutissanut tamanut saqqummiunneqartunut ilaatiilugit, taamaaliornikkut inuit ataasiakkaat ataqgisariaqassusiat innarlerneqanngippat imaluunniit soqutigisat illersortarissat allat innarlerneqanngippata. Soorlu assersuutigalugu, inuttai kikkuunersut paasineqarsinnaassanngillat.

#### § 23-mut

Atuiniartoqarnera aatsaat itigartitsissutigineqarsinnaavoq toqqortat ima innarlersimagitippata nalinginnaasumik atorneqarnissartik attassinnaanagu. Tassa imaappoq toqqortanik atuiniarluni saaffiginnitoqarnerini tamani naliliisoqartassaaq. Toqqortat ataatsimoortut innarleqqinnerunagit pisinnaappat Nunatta Katersugaasiviata Allagaateqarfiatalu assilillugit nuussinermik taamaaliortoqarneratigullu atorneqarsinnaalersinneqarnissaat itigartitsissutigisinnaanngilaa.

#### § 24-mut

Tunngaviatigut imaappoq ilisimatusarnerup tamanullu atugassiisarnerup akeqanngitsumik kiffartuussinertut isumagineqartarnissaa. Taamaakkaluartoq aalajangersakkami periarfissiisoqarpoq sulianut annertunerusunut aamma sulisoqarnikkut aningaasaqarnikkullu atuiffiunerusussanut akiliuteqartoqarnissaanik piumasaqartoqarsinnaanissaa. Assersuutitut taaneqarsinnaapput allagaatit nuutinnejarnissaannut akiliisitsisoqartarsinnaanera, kiisalu sulisut piffissaajaatigisaannik ikorsiisoqarsinnaanera, assersuutigalugu allagaatinik aalajangersimasunik ujaasisoqartariaqartillugu.

## Kapitali 6

Kikkulluunniit namminneq toqqorsiviliorsinnaapput. Nammineq toqqorsivittut paasineqassapput toqqorsiviit inunnit ataasiakkaanit sullissiveqarfinnilluunniit il.il., siunnersummi § 1, imm. 1-imiit 2-mut pineqartunut ilaanngitsunit pilersinneqarsimasut.

Nunatta Katersugaasivia Allagaateqarfialu toqqortat taamaattut qanoq tunniunneqarnissaat pillugu sunniuteqarsinnaanngilaq. Toqqortat taamaattut toqqortarinninneq, atortussajunnaarsitsineq, tunniussineq il.il. pillugit Inatsisartut inatsisaanni aalajangersakkani pineqartunut ilaannigillat, tunniussisullu tunniussani pillugit aalajangigai qaqugukkulluunniit ataqqineqassapput.

Inuit ataasiakkaat toqqortaataat tunissutigineqarnerisigut, pisiarinerisigut kingornunneqarnerisigulluunniit pissarsiarineqarsinnaapput. Inuit ataasiakkaat toqqortaataasa Nunatta Katersugaasiviani Allagaateqarfianilu toqqortarineqarnissaat pillugu isumaqatigiissuteqartoqarnissaanut aporfissaqanngilaq, aammalu isumaqatigiissutinut tamakkununnga atasunik toqqortarinninneq, pissarsiarineqarsinnaassusiat utertinneqarnissaallu pillugit piumasaqaasiortoqarsinnaaneranut aporfissaqarani.

Inuit ataasiakkaat toqqortaataat katersugaasiveqarneq pillugu inatsisini pineqartunut ilaassapput. Taamaattorli toqqortat nunamit anninneqartussat Nunatta Katersugaasivianit Allagaateqarfianillu assilineqarnissaannut periarfissiisoqarpoq, taakku ilisimatusarnikkut nalinginnaasumilluunniit piorsarsimassutsikkut pingaaruteqarpata, takukkit sunnersuummi § 26-mut oqaaseqaatit.

#### § 25-mut

Imm. 1-imut

Namminerisamik toqqortat kap. 3-mi aamma 4-mi aalajangersakkani ilaatinneqanngillat, taamaalillutillu qaqugukkulluunniit qanorluuniillu ikkaluarunik tunniunneqarsinnaapput.

Aalajangersakkami aalajangerneqarpoq Nunatta Katersugaasiviata Allagaateqarfialalu aammattaaq namminerisamik toqqortat katarsorsinnaagai, tigusinnaagai isumannaarsinnaagaalu. Aalajangersakkami erseqqissarneqarpoq toqqortat annertuumik ilisimatusarnermut nalinginnaasumilluunniit kulturimut pingaaruteqartuussasut. Taamaannersoq Nunatta Katersugaasiviata Allagaateqarfialalu nalilissavaa. Naalakkersuisut siunnersuummi § 26, imm. 2 naapertorlugu namminerisamik toqqortat annertuumik ilisimatusarnikkut pingaaruteqartut nalinginnaasumilluunniit kulturikkut pingaaruteqartut killilersornissaat pillugit malittarisassanik aalajangersaasinnaapput.

Aalajangersagaq siunnersuummi § 26, imm. 1-imut atatillugu isiginiarneqassaaq, tassani inuit namminerisaminnik annertuumik ilisimatusarnikkut pingaarutilinnik imaluunniit nalinginnaasumik kulturikkut pingaarutilinnik toqqortaateqartut pisussaaffilerneqarput toqqortat Nunatsinnit anninneqartinnagit Nunatta Katersugaasivianit Allagaateqarfianillu assiliisinnissaannut (kopeerneqarnissaannut).

Imm. 2-mut

Aalajangersakkami aalajangerneqarpoq toqqortanik tunniussisunut ataasiakkaanut isumaqatigiissuteqartoqarsimannngippat pissarsiarineqarsinnaanerat pillugu aalajangersakkat Inatsisartut inatsisaanni matumaniittut atuutissasut.

Toqqortat namminerisamik pigineqartut tunniunnerini piumasaqaatit naapertorlugit isumagineqassapput. Tamatumunnga ilanngullugu isumqatigiissutigineqarsinnaavoq toqqortat paarineqassasut kingusinnerusukkullu utertinneqarlutik, aamma immikkut piumasaqaateqartoqarsinnaavoq kikkunnit tamanit takuneqarsinnaanissaat pillugu.

#### Imm. 3-mut

Aalajangersakkami aalajangerneqarpoq toqqortanik tunniussisunut ataasiakkaanut isumaqatigiissuteqartoqarsimannngippat atorneqarsinnaanerat pillugu aalajangersakkat Inatsisartut inatsisaanni matumaniittut atuutissasut.

#### § 26-mut

##### Imm. 1-imut

Inuit ataasiakkaat toqqortaataat annertuumik ilisimatusarnermi nalinginnaasumilluunniit piorsarsimassutsikkut pingaaruteqartut nunamit anninneqartussaatillugit taakku assilinissaannut Nunatta Katersugaasivia Allagaateqarfialu periarfissinneqassaaq. Inuit ataasiakkaat toqqortaataat taamatut pingaaruteqarnersut Nunatta Katersugaasiviata Allagaateqarfialtu aalajangissavaa. Taamaammat nammineq pigisanik annertuumik ilisimatusarnikkut nalinginnaasumilluunniit kulturikkut pingaarutilinnik toqqortataeqartoq taakkuninngalu nunamit annississamaartoq Nunatta Katersugaasivianut Allagaateqarfianullu attaveqassaaq, taassumalu assilineqassanersut assilineqassannginnersulluunniit isummerfigissavaa.

##### Imm. 2-mut.

Aalajangersagaq nutaajuvoq Naalakkersuisullu pisinnaatillugit – Nunatta Katersugaasiviata Allagaateqarfialtu inassuteqareerneratigut - nammineq pigisanik annertuumik ilisimatusarnikkut nalinginnaasumilluunniit kulturikkut pingaarutilinnik toqqortat pillugit malittarisassaliornissamut.

§ 26, imm. 1-imik unioqqutitsineq siunnersummi § 27, imm. 1 naapertorlugu akiliisitaanermik pineqaatissinneqarsinnaavoq. Taamaammat naapertuutissaq toqqortanik namminerisamik nunamiillu anninneqalersaartunik pigisaqartoq, tamanna sioqqullugu Nunatta Katersugaasivianut Allagaateqarfianullu saaffiginnissappat, toqqortat annertuumik ilisimatusarnikkut nalinginnaasumilluunniit kulturikkut pingaaruteqartuunersut nalorniguniuk.

## Kapitali 7

## § 27-mut

Imm. 1-imut

Toqqortanik oqaluttuarisaanermut pingaaruteqartunik imaluunniit innuttaasunut oqartussaasunulluunniit allaffissornikkut inatsiseqarnikkulluunniit pissutsinut uppernarsaatissanik qulakkeerinissamik kiisalu tamat toqqortanik atuisinnaanissaannik qulakkeerinissamik siunertaq pillugu aalajangersakkap eqquutsinneqarnissaa siunertaralugu akiliisitsilluni pineqaatissiissuteqarsinnaaneq atuutilersinneqarpoq, tassa toqqortanik isumannaatsumik pinninnissamik toqqortarininnissamillu, tunniussisussaatitaanermik, saliinissamik, nipangiussisussaatitaanermik, toqqortaatit assilineqarnissaannik pisussaaffimmik kiisalu maleruagassanik allaffissornikkut aalajangersagaasunik unioqqutitsisoqartillugu.

Imm. 2-mut

Siunnersuutigineqarpoq aalajangersakkani, siunnersuut naapertorlugu aalajangersarneqartuni aalajangerneqarsinnaasoq unioqqutitsinerit akiliisitsissutigineqarsinnaasut.

Imm. 3-mut

Aalajangersakkami aalajangerneqarpoq inatsisit naapertorlugit inatsisitigut pisussaatitaasoq, Inatsisartut inatsisaat aalajangersakkalluunniit inatsit naapertorlugu aalajangersarneqartut akiliisitsinermik pineqaatissiinissamik periarfissiippata, Kalaallit Nunaanni pinerluttulerinermik inatsimmi maleruagassat naapertorlugit akileeqquneqarsinnaasoq.

Imm. 4-mut

Akiliisitsissutit aalajangersagaq malillugu nunatta karsiata pisassarai.

## Kapitali 8

### § 28-mut

Aalajangersakkami pineqarput Inatsisartut inatsisaata atuutilerfia, matumani aamma Inatsisartut inatsisaata maannamut atuuttup atorunnaarnera.

Aalajangersakkamut aammattaaq ilaapput atorunnarsitsilluni aalajangersagaq aamma allaffissornikkut peqqussutit atuutiinnarnissaannik aalajangersagaq.

Imm. 1-imut

Inatsisartut inatsisaata siunnersuutip aalajangiutivinneqarnerata qaammatisiutit malillugit ukiup aallaqqaataani atuutilernissaa naleqquttuutinneqarpoq, taamaattorli inatsisip atuutilinnginnerani nalunaarusiornikkut malittarisassanik erseqqinnerusunik

aalajangersaasoqarsinnaassaaq, taakku inatsisip atuutilernera ilutigalugu atuutilersinneqarnissaat anguniarlugu.

Imm. 2-mut

Aalajangersakkut Inatsisartut inatsisaat manna atuuttoq inatsisip atuutilernera ilutigalugu atorunnaarsinnejarpooq.

Imm. 3-imut

Allaffissornikkut peqqussutit atuutsiinnarneqarnissaat naleqquttutut isigineqarpoq, taakku maleruagassanik allaffissornikkulluunniit peqqussutitigut Inatsisartut inatsisaat manna inatsilluunniit alla naapertorlugu taarserneqarnissaasa tungaannut. Allaffissornikkut peqqussutit piusut tassaapput Katersugaasiveqarnermut Allagaateqarfeqarnermullu ataatsimiitaliap suleriaassisaa pillugu Namminersornerullutik Oqartussat nalunaarutaat nr. 2, 26. januar 1996-imeersoq kiisalu Katersugaasiveqarnermut allagaateqarfeqarnermullu ataatsimiitaliami katersugaasiviit akuerineqarsimasut sinnisaasa qinerneqartarnerat pillugu Namminersornerullutik Oqartussat nalunaarutaat nr. 3, 26. januar 1996.